



Broj: 05-04-20-1689-3/20  
Datum: 19.05.2020.godine

Na osnovu člana 70. Zakona o javnim nabavkama BiH („Službeni glasnik BiH“ broj 39/14), a u vezi sa Odlukom o pokretanju postupka javne nabavke broj: 05-04-20-1689/20 od 24.04.2020. godine i Zapisnika o pregledu i ocjeni ponuda broj: 05-04-20-1689-2/20 od 18.05.2020. godine, Općina Maglaj, ovlašteno lice ugovornog organa Načelnik općine Maglaj, d o n o s i

## O D L U K U

o izboru najpovoljnije ponude

### I

Najpovoljnija ponuda za izvođenje radova „na sanaciji lokalnog puta Ulišnjak – Straište u dužini od L= 443,0 m i lokalnog puta Liješnica – Fojnica u dužini L=320,0 m“ je ponuda ponuđača DOO „Hajdić“ Maglaj, u iznosu od 106.050,00 KM, bez PDV-a, odnosno 124.078,50 KM sa PDV-om, nakon održane E aukcije dana 18.05.2020. godine.

### II

Ponuda je dostavljena u postupku Otvoreni postupak za dostavljanje ponuda za izvođenje radova „na sanaciji lokalnog puta Ulišnjak – Straište u dužini od L= 443,0 m i lokalnog puta Liješnica – Fojnica u dužini L=320,0 m“ koji je objavljen na portalu javnih nabavki broj: 1140-1-3-15-3-15/20 od 24.04.2020.godine i Službenom glasniku BiH broj: 24/20 od 30.04.2020. godine. Kriterij za dodjelu ugovora je najniža cijena.

### III

Odabrani ponuđač je dužan u roku od pet dana od dana zaprimanja obavještenja dostaviti dokaze kojim je tenderskom dokumentacijom ponuđaču koji bude odabran kao najbolji u ovom postupku utvrđena obaveza dostavljanja dokaza koje propisuje Zakon o javnim nabavkama.

### IV

Za realizaciju iste zadužuju se Služba za urbanizam, geodetske imovinsko pravne poslove općine Maglaj.

### V

Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa čl. 71. Stav 2. Zakona o javnim nabavkama.

### VI

Ova Odluka ima se objaviti na web stranici Općine Maglaj u skladu sa čl.70. Stav 6. Zakona o javnim nabavkama BiH.

## O b r a z l o ž e n j e

Odlukom o pokretanju postupka broj: 05-04-20-1689/20 od 24.04.2020. godine pokrenut je postupak javne nabavke za izvođenje radova na „sanaciji lokalnog puta Ulišnjak – Straište u dužini od L= 443,0 m i lokalnog puta Liješnica – Fojnica u dužini L=320,0 m“.

Odabran je Otvoreni postupak za dostavu ponuda koji je objavljen na portalu javnih nabavki broj: 1140-1-3-15-3-15/20 od 24.04.2020. godine i Službenom glasniku BiH broj 24/20 od 30.04.2020. godine.

Kriterij za dodjelu ugovora je najniža cijena.

U ostavljenom roku, pristiglo je pet ponuda i to:

r/b	Naziv ponuđača	Cijena bez PDV-a u KM	Cijena sa PDV-om U KM
1.	DOO "Hajdić" Maglaj	106.264,65	124.329,64
2.	DOO „MGV Gradnja“ Zavidovići	134.614,25	157.498,67
3.	DOO „Geo put“ Maglaj	107.317,35	125.561,30
4.	DOO „Porobić“ Zavidovići	152.473,50	178.393,99
5.	DD „Doboj putevi“ Doboj Jug	111.916,75	130.942,59

Odlukom Načelnika općine Maglaj o imenovanju Komisije za javne nabavke u 2020. godini broj: 05-04-20-1392/20 od 20.04.2020. godine, Načelnik općine Maglaj imenovao je Komisiju za javne nabavke u 2020. godine.

Komisija čijem radu nije prisustvao niko od predstavnika ponuđača, je izvršila javno otvaranje ponuda 14.05.2020. godine o čemu je sačinila Zapisnik sa otvaranja ponuda i isti je prosljedila svim ponuđačima.

Na zatvorenom sastanku dana 14.05.2020. godine, Komisija pristupila pregledu, ocjeni ponuda, i utvrdila da sve dostavljene ponude oblikom i sadržajem, upotpunosti odgovaraju traženim uslovima iz Tenderske dokumentacije.

Nije bilo ispravki u ponudama.

Nakon što je Komisija konstatovala da su sve ponude formalno - pravno ispravne, zakazana je E-aukciju za dan 18.05.2020. godine sa početkom u 9,00 sati.

Nakon održane E-aukcije, utvrđena je konačna rang lista ponuđača koji su učestvovali u E –aukciji, kako slijedi u tabeli.

Naziv ponuđača	Cijena KM za ugovor ( bez PDV-a)	Ukupna cijena KM za ugovor ( sa PDV-om)
DOO „Hajdić“ Maglaj	106.050,00	124.078,50
DD „Doboj putevi“ Doboj jug	106.158,00	124.204,86
DOO „Geo put“ Maglaj	107.317,35	125.561,29
DOO „MGV Gradnja“ Zavidovići	134.614,25	157.498,67
DOO“Porobić“ Zavidovići	152.473,50	178.393,99

Na osnovu gore navedenog Komisija je prema utvrđenom kriteriju "najniža cijena" utvrdila da ponuda ponuđača DOO „Hajdić“ Maglaj, ima najnižu cijenu i to za izvođenje radova „na sanaciji lokalnog puta Ulišnjak – Starište u dužini od L= 443,0 m i lokalnog puta Liješnica – Fojnica u dužini L=320,0 m“ u iznosu od 106.050,00 KM bez PDV-a, odnosno 124.078,50 KM sa PDV-om i predložila ugovornom organu da se sa istim zaključi ugovor za predmetne radove.

Na osnovu izloženog a primjenom člana 64. stav 1. tačka b). Zakona o javnim nabavkama BiH (Službeni glasnik BiH broj 39/14), odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi, putem ugovornog organa : Općina Maglaj u roku od 10 dana od dana prijema Odluke.

Žalba se podnosi u tri primjerka kako bi mogla biti uručena izabranom ponuđaču, Uredu za razmatranje žalbe i Ugovornom organu.

Žalba se podnosi neposredno Ugovornom organu, u pisanoj formi, direktno ili putem preporučene poštanske pošiljke.

Dostavljeno :  
1. Ponuđačima 5x  
2. U spis



Općina Maglaj  
Načelnik općine  
Mirsad Mahmutagić

